

四庫全書

集部

欽定四庫全書

集部
花草粹編卷六

詳校官編修

臣周瓊

侍讀

臣

孫球覆勘

總校官檢討

臣

何思鈞

校對官中書

臣

湯坦

謄錄監生

臣

萬朝宗

欽定四庫全書

花草粹編卷六

明 陳耀文 輯

小令

好事近

宋子京

睡起玉屏風吹去亂紅猶落天氣驟生輕暖襯沉香帷箔
珠簾約住海棠風愁拖兩眉角昨夜一庭明月冷
秋千紅索

鄭毅夫

把酒對江梅花小未禁風力何計不教零落為青春留
得故人莫問在天涯尊前苦相憶好把素香收取寄
江南消息

催粧

王昂

山房
隨筆

喜氣擁門闌光動綺羅香陌行到紫薇花下悟身非凡
客不須脂粉浣天真嫌怕太紅白留取黛眉淺處畫
章臺春色

陶朱新錄云嘉王榜探花王
昂榜下擇婿時作催粧詞云

呂聖求

長記十年前彼此玉顏雲髮尊酒幾番相對樂春花秋月而今各自困飄零憔悴幾年別說着大家煩惱且大家休說

趙文鼎

風動一川花搖漾影迷紅碧人立杏花陰下泛光風襲襲瓊枝璧月互相輝春容泣將夕羅蓋暗承花霧漬
鮫綃香濕

舟行

嚴次山

曉色未分明
敲動月邊鼙鼓
卯酒一杯徑醉
又別君南浦
春江如席
照晴空大舶夾雙槽
腸斷斜陽渡口
正落紅如雨

秋飲

吳君特

鴈外雨絲絲
將恨和愁都織
玉骨西風添瘦
減尊前歌力
袖香曾枕醉
紅腮依約唾痕
碧花下凌波入夢引
春雛雙鷁

夕景

廖世美

落日水鎔金天淡暮烟凝碧樓上誰家紅袖靠闌干無
力鴛鴦相對浴紅衣短棹弄長笛驚起一雙飛去聽
波聲相拍

趙德麟

急雨漲谿渾小樹帶山秋色輕棹暮天歸路裊芙蓉烟
白酒醒香冷夢回時蟲聲正淒絕只覺小窓風月與
昨宵都別

秦少游

山路雨添花花動一山春色行到小溪深處有黃鸝千
百飛雲當面化龍蛇夭矯掛空碧醉卧古藤陰下杳
不知南北

蔣子雲

葉暗乳鴉啼風定老紅猶落蝴蝶不隨春去入薰風池
閣休歌金縷勸金卮酒病煞如昨簾捲日長人靜任
楊花飄泊

程正伯

別夢記春前春盡苦無歸日想見鵲聲庭院誤幾回消
息萬重離恨萬重山無處說思憶只有路傍雙堠也
隨人孤隻

二

烟盡戍樓空又是一簾佳月何事山城留滯負好花時
節燒燈剪綵沒心情應有翠蛾說欲借好風吹恨奈
亂雲愁疊

蔡君謨

瑞雪滿京都宮殿盡成銀闕常對素光遙望是江梅時
節如今江上見寒梅幽香自清絕重看落英殘艷想
飄零如雪

送春

蔡行之

日日惜春殘春去更無明日擬把醉同春住又醒來岑
寂明年不怕不逢春嬌春怕無力待向燈前休睡與
留連今夕

壽夫

吳氏瀚

臘近漸知春已有早梅堪折況是誕辰佳宴擁笙簧羅
列玉盃休惜十分斟金爐更頻熬連理願同千歲看
蟠桃重結

李易安

風定落花深簾外擁紅堆雪長記海棠開後正傷春
時節酒闌歌罷玉樽空青紅暗明滅魂夢不堪幽怨
更一聲啼鴂

魏夫人

雨後曉寒輕
花外早鶯啼
歇愁聽隔溪殘漏正一聲淒
咽不堪西望去
程餘離腸萬回結
不似海棠陰下按涼州時節

鄭意娘

往事與誰論
無語暗彈青血
何處最堪腸斷是黃昏時
節倚樓凝望又徘徊
誰解此情切何計可同歸
鴈趁江南春色

思越人

馮延巳

酒醒情懷惡金縷褪玉肌如削寒食過却海棠零落

乍倚遍闌干烟淡薄翠幙簾櫳畫閣春睡着覺來失秋
千期約

杏園芳

尹鶚

嚴粧嫩臉花明教人見了關情含羞舉步越羅輕稱娉
婷終朝咫尺窺香閣迢迢似隔層城何時休遣夢相
縈入雲屏

柳含烟

毛文錫

隋堤柳汴河旁夾岼綠陰千里龍舟鳳舸木蘭香錦帆
張因夢江南春景好一路流蘇羽葆笙歌未盡起橫
流鎖春愁

二

河橋柳占芳春映水含烟拂路幾迴攀折贈行人暗傷
神樂府吹為橫笛曲能使離腸斷續不如移植在金
門近天恩

三

章臺柳近垂旒低拂往來冠蓋
朧朧春色滿皇州
瑞烟浮
直與路邊江畔
別免被離人攀折
最憐京兆畫蛾眉
葉纖時

散餘霞

毛澤民

牆頭花口寒猶噤
放繡簾盡靜
簾外時有蜂兒
趁楊花未定
闌干又還獨凭
念翠低眉
暈春夢枉惱人腸
更厭厭酒病

繡帶子

梅

黃山谷

小院一枝梅衝破曉寒開晚到芳園遊戲滿袖帶香回
玉酒覆銀盃盡醉去猶帶重來東鄰何事驚吹怨笛
雪片成堆

客路見梅

曾純甫

瀟灑隴頭人取次一枝新還是東風來也猶作未歸人
微月淡烟林謾佇立惆悵黃昏暮寒香細踈英幾點
怎奈銷魂

謁金門

一名出塞詞話作空相
憶張宗瑞名垂楊碧

韋莊

空相憶無計得傳消息
天上嫦娥人不識
寄書何處覓
新睡覺來無力
不忍把伊書跡
滿院落花春寂寂
斷腸芳草碧

古今詞話云韋莊以才名寓蜀王建割據遂羈留之
莊有寵人安質艷麗兼善詞翰建聞之託以教內人
為詞強莊奪去莊追念悵怏怏作小重山及此詞情意
凄怨人相傳播盛行於時姬後傳聞之遂不食而卒

二

春漏促金燼暗挑殘燭
一夜簾前風撼竹
夢魂相斷續

有箇嬌饒如玉夜夜繡屏孤宿閒抱琵琶尋舊曲遠
山眉黛綠

薛昭蘊

春滿院疊損羅衣金線睡覺水精簾未捲簷前雙語燕
斜掩金鋪一扇滿地落花千片早是相思腸欲斷忍
教頻夢見

牛希濟

秋已暮重疊關山岐路嘶馬搖鞭何處去曉禽霜滿樹

夢斷禁城鐘鼓淚滴枕檀無數一點凝紅和薄霧翠
蛾愁不語

孫光憲

留不得留得也應無益白紵春衫如雪色揚州初去日
輕別離甘拋擲江上滿帆風疾却羨彩鴛三十六孤
鸞還一隻

馮延巳

風乍起吹皺一池春水閒引鴛鴦芳徑裏手按紅杏藥

鬪鴨闌干獨倚碧玉搔頭斜墜終日望君君不至舉

頭聞鵲喜

南唐書云元宗樂府詞云小樓吹徹玉笙寒延已有
風乍起吹皺一池春水之句皆為警策元宗嘗戲延
已曰吹皺一池春水干卿何事延已曰
未若陛下小樓吹徹玉笙寒元宗悅

二

楊柳陌寶馬嘶空無迹新着荷衣人未識年年江海客
夢覺巫山春色醉眼飛花狼藉起舞不辭無氣力愛

君吹玉笛

人一闕云學著荷衣還可喜
少都來有幾自古閒愁無際

晏同叔

秋露滴滴盡楚蘭紅淚往事舊歡何限意思量如夢寐
人貌老於前歲風月宛然無異座有嘉賓尊有桂莫
辭終夕醉

荊公

能改齋漫錄

春又老南陌酒香梅小徧地落花渾不掃夢回情意悄
紅牋寄與煩惱細寫相思多少醉後幾行書字小淚
痕都搵了

賀方回

溪水急無數落花漂出燕子分泥蜂釀蜜遲遲艷風日
須信芳菲隨失况復佳期難必擬把此情書萬一愁
多翻閣筆

春恨

秦處度

鴛鴦浦春漲一江花雨隔岼數聲初過櫓晚風生碧樹
舟子相呼相語載取暮愁歸去寒食江村芳草路愁
來無着處

吳門王平子

書一紙小研吳牋香細讀到別來心下事蹙殘眉上翠
怕落傍人眼底握向抹胸兒裏針線不忺收拾起和

衣和悶睡

俞文豹
吹劍錄

趙德莊

休相憶明夜遠如今日樓外綠烟封冪冪花飛如許急
柳岬晚來船集波底斜陽紅濕送盡去雲成獨立酒
醒愁又入

耆舊續聞云紅濕二字蓋用李後主細雨濕流光如花間集一簾疎雨濕春愁之濕

二

春已半繡綠新紅如換燕子還來簾幕畔閒愁天不管
翠被曲屏香滿花葉彩牋人遠鵲喜蛛絲都未判連
環空約腕

陳子高

花滿院飛去飛來雙燕紅雨入簾寒不卷曉屏山六扇
翠袖玉笛悽斷脉脉兩蛾愁淺消息不知郎近遠一

春長夢見

耆舊續聞云花間集和凝詞云拂水雙飛來去燕曲檻小屏山六扇

二

春漏促誰見兩人心曲
罨畫屏風銀燭淚珠紅軟軟
懊惱歡娛不足只許夢中相逐
今夜月明何處宿畫橋春水淥

三

愁脉脉目斷江南江北
烟樹重重芳信隔小樓山幾尺
細草孤雲斜日一向弄晴天色
簾外落花飛不得東

風無氣力

張宗瑞

春寂寂綠暗溪南溪北溪水沉沉天一色
鳥飛春樹黑腸斷小樓吹笛醉裏看朱成碧
愁滿眼前遮不得可憐雙鬢白

張宗瑞

花半濕睡起一窓晴色十里江南空咫尺
醉中歸夢直前度蘭舟送客雙鯉沉沉消息
樓外垂楊如此碧問

春來幾日

自名垂
楊碧

初春

前人

花事淺方費工夫
勻染牆角紅梅開未遍
小桃纔數點
人生暮寒庭院閒
續茶經香傳酒思如水
詩思懶雨聲簾不捲

程觀過

江上路依約數家烟樹
一枕歸心村店暮更亂
山深處
夢過江南芳草渡
曉色又催人去
愁似游絲千萬縷

倩東風約住

史愚

就日錄

深院宇寂寂不禁風雨苔逕流錢青莫數銀泥蝸篆古
滿院多應無主却被癡兒拈取穿向柳絲喧笑語買
將春色去

蒲江

風不定移去移來簾影一雨林塘新綠淨杏梁歸燕並
翠袖玉屏金鏡日薄綺疏人靜心事一春疑酒病鳥

啼花滿徑

韓無咎

春尚淺誰把玉英裁剪儘道梅梢開未遍
卷簾花滿院樓上酒融歌暖樓下水平烟
遠却似湧金門外見絮飛波影亂

盧申之

蘭棹舉相趁落紅飛去一隙輕簾凝睇處
柳絲牽不住昨日翠蛾金縷今夜碧波烟
渚好夢無憑窓又雨天

涯知幾許

前人

閒院宇獨自行來行去花片無聲簾外雨峭寒生碧樹
做弄清明時序料理春醒情緒憶得歸時停棹處畫
橋看落絮

石次仲

風又雨斷送殘春歸去人面桃花在何處綠陰空滿路
立馬垂楊官渡一寸柔腸萬縷回首碧雲迷洞府杜

鵲啼日暮

暮春

康伯可

春又晚風勁落紅如剪睡起繡床飛絮滿日長門半掩
不管離腸欲斷聽盡梁間雙燕試上小樓還不見樓
前芳草遠

蒲江

寒半退斜掩小屏珠翠柳眼纔醒桃欲醉日高簾影碎
暗解鴛鴦羅帶獨立晚風誰會心事悠悠人好在畫

橋流水外

趙文鼎

新雨霽開遍滿園桃李波煖池塘風細細一雙花鴨戲
喚起春融睡美扶醉宿粧慵理移步避人花影裏繡
裙低窄地

周紫芝

春雨細開盡一番桃李柳暗曲欄花滿地日高人睡起
綠浸小池春水沙暖鴛鴦雙戲薄倖更無書一紙畫

樓愁獨倚

春晚

吳子和

風乍扇簾外落紅千片飛盡落花春不管鬪忙鶯與燕
往事上心撩亂睡起日高猶倦料得伊家情眷眷近
來長夢見

諸公要予出郊

程正伯

春漠漠何處養花張幕佩冷香殘天一角忍看羅袖薄
兩兩鴛鴦難學六六錦鱗空托趣有餘芳湏細酌東

風情性惡

二

春夜雨催潤柳塘花塢小院深沉門幾許畫簾香一縷
獨立晚庭凝佇細把花枝閒數燕子不來天欲暮說
愁無處訴

盧炳

春寂寂節物又催寒食樓上捲簾雙燕入斷魂愁似織
門外雨餘風急滿地落英紅濕好夢驚回無處覓天

涯芳草碧

春晚

洪叔璵

詞 空同

風共雨催盡落紅飛絮百計留春春不住杜鵑聲更苦
細柳關河狹路幾被嬋娟相誤空憶墜鞭遺扇處碧
窓眉語度

陳汝羲

西風竹風入翠烟轟轟紅小欄干知幾曲聲聲敲碧玉
窓下鳳臺銀燭斷夢已驚難續曾伴去年庭下菊夜

聞聽雨宿

憶故居

蘇養直

何處所門外冷雲堆
浦竹裏江梅寒未吐
茅屋踈踈雨
誰遣愁來如許
小立野塘官渡手
種凌霄今在否
柳浪迷烟渚

李好義

花遇雨又是一番紅
素燕子歸來衝繡幕
舊巢無覓處
誰在玉樓歌舞
誰在玉關辛苦
若使胡塵吹得去
東

風侯萬戶

春恨

詩餘

韋莊
花間無

春雨足染就一溪新綠柳外飛來雙屬玉
晴相對浴樓外翠簾高軸倚遍欄干幾曲
雲淡水平烟樹簇寸心千里目

曾舜卿

山銜日淚灑西風獨立一葉扁舟流水急
轉頭無處覓去則而今已去憶則如何不
憶明日到家應記得寄

書回鴈翼

二

深院寂一點青燈銜壁空說銷愁湏酒力病多禁未得
遙望西樓咫尺爭信今宵思憶伴我枕前雙淚濕梧
桐秋雨滴

天機餘錦

山無數遮斷故人何處見說闌干獨繫住溪邊紅葉樹
憶着前時歡遇惹起今番愁緒怎得西風吹淚去陽

臺為暮雨

出塞

李知幾

花樹樹吹碎胭脂紅雨將謂郎來推繡戶暖風搖竹塢
睡起闌干凝佇漠漠紅樓飛絮剗踏襪兒垂手處隔
溪鶯對語

春半

朱淑真

春已半觸目此情無限十二闌干閒倚遍愁來天不管
好是風和日暖輸與鶯鶯燕燕滿院落花簾不捲斷

腸芳草遠

趙介之

風雨急紅紫又還狼籍嫩綠團枝苔徑濕簾開雙燕入
院靜晝閒人寂一縷水沉烟直心事有誰能會得
前芳草碧

好女兒

山谷

粉淚一行行啼破曉來粧懶繫酥胸羅帶羞見繡鴛鴦
擬待不思量怎奈何目下恹惶假饒來後教人見了

却去何妨

憶悶令

晏叔原

取次臨鸞勻畫淺酒醒遲來晚多情愛惹閒愁長黛眉
低斂月底相逢見有深深良願願期信似月如花須
更交長遠

天門謠

賀方回

牛渚天門險限南北七雄豪占清霧斂與閒人登覽
待月上潮平波滌滌塞管輕吹新阿濫風滿檻歷歷數

西州更點

清平樂

溫廷筠

上陽春晚宮女愁蛾淺
新歲清平思同輦
爭奈長安路遠
鳳帳駕被徒燠
寂寞花鎖千門
竟把黃金買賦為妾
將上明君

二

洛陽愁絕楊柳花飄雪
終日行人恣攀折
橋下水流鳴咽
上馬爭勸離觴
南浦鶯聲斷腸
愁殺平原年少迴

首揮淚千行

韋莊

春愁南陌故國音書隔
細雨霏霏梨花白
燕拂畫簾金
額盡日相望
王孫塵滿衣上淚痕誰向橋邊吹笛駐
馬西望銷魂

二

野花芳草寂寞關山道
柳吐金絲鶯語早
惆悵香閨暗
老羅帶悔結同心
獨凭朱欄思深夢覺半床斜月小

窓風觸鳴琴

三

何處遊女蜀國多雲雨雲解有情花解語
窈地繡羅金縷粧成不整金鈿含羞待月
鞦韆住在綠槐陰裏門臨春水橋邊

四

鶯啼殘月繡閣香燈滅門外馬嘶郎欲別
正是落花時節粧成不畫蛾眉含愁獨倚
金扉去路香塵莫掃掃

卽郎去歸遲

孫光憲

愁腸欲斷正是青春半連理分枝鸞失伴又是一場離
散掩鏡無語眉低思隨芳草萋萋憑仗東風吹夢與
郎終日東西

二

等閒無語春恨如何去終是踈狂留不住花暗柳濃何
處盡日目斷魂飛晚窓斜界殘暉長恨朱門薄暮繡

鞍驄馬空歸

毛熙震

春光欲暮寂寞閒庭戶粉蝶雙雙穿檻舞簾捲晚天疎
雨含愁獨倚閨幃玉鑪烟斷香微正是銷魂時節東
風滿樹花飛

李後主

別來春半觸目愁腸斷砌下落梅如雪亂拂了一身還
滿鴈來音信無憑路遙歸夢難成離恨恰如春草更

行更遠還生

陽春集

深冬寒月庭戶凝霜雪風鴈過時魂斷絕塞管數聲鳴
咽披衣獨立披香流蘇亂結愁腸往事總堪惆悵前
歡休更思量

二

雨晴烟晚綠水新池滿雙燕飛來垂柳院小閣畫簾高
捲黃昏獨倚朱欄西南新月眉灣砌下落花風起羅

衣特地春寒

三

西園春早夾徑抽新草
冰散漪瀾生碧沼
寒在梅花先
老與君同飲金盃
飲餘相取徘徊次第
小桃將發軒
車莫厭頻來

晏同叔

西風細細葉葉梧桐墜
綠酒初嘗人易醉
一枕小窓濃
睡
紫薇朱槿花殘
斜陽却照欄干
雙燕欲歸時
節銀

屏昨夜微寒

晏同叔

春花秋草只是催人老
總把千山眉黛掃
未抵別愁多少
勸君綠酒金杯
莫嫌絲管聲催
兔走烏飛不住人
生幾度三臺

二

春來秋去往事知何處
燕子歸飛蘭泣露
光景千留不住
酒闌人散
忡忡閒堦獨倚
梧桐記得去年今日依

前黃葉西風

三

紅牋小字說盡平生意鴻鴈在雲魚在水惆悵此情難
寄斜陽獨倚西樓遙山恰對簾鉤人面不知何處綠
波依舊東流

小山詞

留人不住醉解蘭舟去一棹碧濤春水路過盡曉鶯啼
處渡頭楊柳青青枝枝葉葉離情此後錦書休寄畫

樓雲雨無憑

二

千花百草送得春歸了
拾翠人稀紅漸少
葉底杏青梅
小小瓊閒把琵琶雪香微透
輕紗正好一枝嬌艷當
筵獨占韶華

三

紅英落盡未有相逢信
可恨流年凋綠鬢
睡得春醒欲
醒細箏曾醉西樓朱絃玉指
梁舟曲罷翠簾高捲幾

回新月如鉤

四

波紋碧皺曲水清明後折得踈梅香滿袖暗喜春紅依舊
歸來紫陌東頭金釵換酒銷愁柳影深深細路花梢小小層樓

五

么絃寫意意密絃聲碎書得鳳牋無限事猶恨春心難寄
卧聽踈雨梧桐雨餘淡月朦朧一夜夢魂何處那

回楊葉樓中

六

暫來還去輕似風頭絮縱得相逢留不住何況相逢無
處去時約畧黃昏月華却到朱門別後幾番明月素
娥應是銷魂

七

雙紋彩袖笑捧金船酒嬌妙如花輕似柳勸客千春長
壽艷歌更倚疎絃有情酒醉尊前恰是可憐時候玉

嬌今夜初圓

八

蓮開欲遍一夜秋聲轉殘綠斷紅香片片長是西風堪
怨莫愁家住溪邊採蓮心事年年誰管水流花謝月
明昨夜蘭船

九

沉思暗記幾許無憑事菊籬開殘酒少味閒却畫欄風
意夢雲歸處難尋微涼暗入香襟猶恨那回庭院依

前月淡燈深

十

鶯來燕去宋玉牆東路
草草幽歡能幾度便有繫人心
處
碧天秋月無端別來長照關山一點厭厭誰會依
前凭暖闌干

十一

心期休問只有尊前分句引行人添別恨因是語低香
近
勸人滿酌金鍾清歌唱徹還重莫道後期無定夢

魂猶有相逢

歐陽永叔

小庭春老碧砌紅萱草長憶小欄間共遶攜手綠叢含
笑別來音信全乖舊期前事堪猜門掩日斜人靜落
花愁點青苔

王介甫

竹坡
詩話

留春不住費盡鶯兒語滿地殘紅宮錦污昨夜南窗風
雨小憐初上琵琶曉來思繞天涯不肯畫堂朱戶東

風自在楊花

柳耆卿

陰晴未定薄日烘雲影金鞍何處尋芳徑綠楊依舊南
陌靜 厭厭幾許春情可憐老去難成看取鑷殘雙鬢
不隨芳草重生

李閣使席

張子野

清歌逐酒醉臉鮮霞透櫻小杏青寒食後衣換縷金輕
繡 畫堂新月朱扉嚴城夜鼓歸遲細看玉人粧面春

工不在花枝

二

屏山斜展帳卷紅綃半泥淺曲池飛海燕風度楊花滿
院雲愁雨恨空深覺來一枕春陰隴上梅花落盡江
南消息沉沉

木犀

劉原甫

小山叢桂最有留人意拂葉攀花無限思雨濕濃香
滿砌別來過了秋光翠簾昨夜新霜多少月宮闈

地姮娥與借微芳

陳去非

黃衫相倚翠葆層層底八月江南風日美
影山腰水尾楚人未識孤妍離騷遺恨千年無往菴中新事一枝喚起幽禪

蘇養直

斷崖流水香度青林底元配騷人蘭與芷不數春風桃李淮南叢桂小山詩翁合得躋攀身到十洲三島心

遊萬壑千巖

木犀

向伯恭

吳頭楚尾踏破芒鞋底萬壑千巖秋色裏不奈惱人風
味如今老我鄉林世間百不關心獨喜愛香韓壽能
來同醉花陰

朱希真

人間花少菊小芙蓉老冷淡仙人偏得道買定西風一
笑前身元是江梅黃姑點破冰肌只有暗香猶在飢

參清似南枝

韓叔夏

秋光如水釀作鵝黃
蟻散入千巖佳樹裏
惟許修門人醉輕鈿
重上風鬟不禁月冷
霜寒步障深沉歸去
依然愁滿江山

夷堅志云原甫作木犀詞其後陳蘇等五人亦續成一闋王晦叔并紀於碧雞漫志且云同一花一曲賦者六人必有第其高下者予以為皆佳句云

閨情

李漢老

露花烟柳春思濃如酒幾陣狂風新雨後滿地落紅鋪
繡風流何處踈狂厭厭恨結柔腸又是危欄獨倚一
川烟草斜楊

漁父

連可久

陣鴻驚起一網沉江渚落葉亂風和細雨撥棹不如歸
去蘆花輕泛微瀾蓬窓獨自清閒一覺遊仙好夢任
他竹冷松寒

趙園避暑

劉叔安

柳陰庭院簾約風前燕着雨荷花紅半斂消得盈盈綠
扇竹光野色生寒玉纖雪藕冰盤長記酒醒人靜暗
香吹月闌干

宮怨

黃叔暘

珠簾寂寂愁背銀缸泣記得少年初選入三十六宮第
一當時掌上承恩而今冷落長門又是羊車過也月
明花落黃昏

擬太白應制

王通叟

宜春小苑處處花開滿學得紅粧紅要淺催上金車要看
君王曲宴瑤池小舟掠水如飛奪得錦標歸去匆
匆不惜羅衣

應制

王仲甫

黃金殿裏燭影雙龍戲勸得官家真箇醉進酒猶呼萬
歲錦茵舞徹涼州君恩與整搔頭一夜御前宣喚六
宮多少人愁

者舊續聞云仲甫字明之嘗自號為逐客為翰林權直
內宿有宮娥新得幸仲甫應制賦此詞翌旦宣仁太后

聞之語宰臣曰豈有館閣儒臣
應制作押詞耶既而彈章罷去

賀方回

小桃初謝雙燕還來也記得年時寒食下紫陌青門游
冶楚城滿目春華可堪遊子思家唯有夜來歸夢不
知身在天涯

趙德麟

春風依舊着意隋堤柳搓得鵝兒黃欲就天氣清明時
候去年紫陌青門今宵雨魄雲魂斷送一生憔悴能

消幾箇黃昏

復齋漫錄云劉弇偉明既喪愛妾而不能忘作此詞

王履道

花時微雨未減春
分數占取簾疎花密處
把酒聽歌金縷
斜風輕度濃香閒情正
與春長向晚紅燈入座嘗
新青杏催觴

黃山谷

春歸何處寂寞無行路
若有人知春去處喚取歸來同
住
春無蹤跡誰知除非問取黃鸝
百轉無人能解因

風吹過薔薇

晁次膺

劉巨濟

深沉院宇枕簟清無暑睡起花陰初轉午一霎飛雲過
雨雨餘隱隱殘雷夕陽却照庭槐莫把珠簾垂下妨
他雙燕歸來

呂居仁

故人何處同在江南路百種舊愁分不去枉被落花留
住舊愁百種誰知除非是見伊時最是一春多病等

閒過了酴醾

趙德莊

桃根桃葉一樹芳相接春到江南三二月迷損東家蝴蝶
殷勤踏取春陽風前花正低昂與我同心
梔子報君百結丁香

周少隱

青春欲暮柳下將飛絮月到堦前梅子樹啼得杜鵑飛去
人歸不掩朱門一成過了黃昏只有瑣窓紅蠟照

人獨自銷魂

謝無逸

晚風吹角月裏梅花落宿酒醒時滋味惡翠被輕寒漠
漠夢回一點相思遠山暗蹙愁眉不覺肌膚瘦玉但
知帶減腰圍

妓訴狀立廳下

毛棊

醉紅宿翠髻髻烏雲墜管是夜來不得睡那更今朝早
起春風滿搦腰肢堦前小立多時恰恨一番春雨想

應濕透鞋兒

朱希真

亂紅深翠樓閣春風外
蝴蝶成團飛照水
睡鴨無人驚起
身閒更覺身輕
酒壺歌扇隨行
芳草綠楊堤畔
一聲初聽啼鶯

二

相留不住又趁東風去
樓外夕陽芳草路
今夜短亭何處
杏花斜壓欄干
朱簾不捲
春寒惆悵
黃昏前後離

愁酒病厭厭

三

多寒易雨春事都相誤
愁過黃昏無着處
寶篆燒殘香縷
低鬟暗摘明璫
羅巾浥損殘粧
簷外幾聲風玉丁東
敲斷人腸

朱雍

雪開瑤徑素蕊迎春影
樓上玉聲三弄定
無奈幽香鬢陣
凌晨不事鉛華
化工却付春花
流水殘陽江上清

隨月色低斜

蒲江

鏡屏開曉寒入宮羅峭脉脉不知春又老簾外舞紅多
少舊時駐馬香堦如今細雨蒼苔殘夢不堪重理一
雙蝴蝶飛來

程正伯

綠深紅少柳外橫橋小雙燕不知幽夢好驚起碧窓春
曉起來鬢髮多時玉臺金鏡慵移多少春愁未說却

來間數花枝

頤堂詞

東風歸早已綠瀛洲草紫殿紅樓春正好楊柳半和烟
裊玉輿遍遶花行初聞百轉新鶯歷歷因風傳去千
門萬戶春聲

二

墜紅飄絮收拾春歸去長恨春歸無覓處心事欲誰分
付盧家小苑回塘于飛多少鴛鴦縱使東牆隔斷莫

愁應念王昌

別意

劉潛夫

休彈別鶴淚與絃俱落歡事中年如水薄懷抱那堪作
惡 昨宵月露高樓今朝烟雨孤舟除是無身方了有
身長有閒愁

趙叔午

初鶯細雨楊柳低愁縷烟浦花嬌如夢裏猶記倚樓別
語 小屏依舊圍香恨拋薄醉殘粧判却寸心雙淚為

他花月淒涼

李周隱

綠牕初曉枕上聞啼鳥不恨王孫歸不早只恨天涯芳草
錦書紅淚千行一春無限思量折得垂楊寄與絲絲都是愁腸

拈李白詩

林正大

若耶溪女笑隔荷花語日照新粧明楚楚香袖風飄輕
舉誰家白面遊郎兩三遙映垂楊醉踏落花歸去踟

躑空斷柔腸

楊師純

小庭深院睡起花陰轉往事舊歡離思遠柳絮隨風難
管等閒屈指當時闌干幾曲誰知為問春風桃李而
今子滿芳枝

劉行簡

相望吳楚遠信無憑據欲倩春風吹淚去化作愁雲恨
雨春應已到三吳楚江日夜東徂惟有汴流魚上不

知尺素來無

雅詞

畫堂晨起來報雪花墜高捲簾櫳看佳瑞皓色遠迷庭
砌盛氣光引爐烟素草寒生玉佩應是天仙狂醉亂
把白雲揉碎

雪

孫夫人

悠悠颺颺做盡輕模樣半夜瀟瀟牕外響多在梅邊竹
上朱樓向曉簾開六花片片飛來無奈薰爐烟霧騰

騰扶上金釵

李易安

年年雪裏常揀梅花醉按盡梅花無好意贏得滿衣清
淚 今年海角天涯瀟瀟兩鬢生華看取晚來風勢故
應難看梅花

春暮

朱淑真

風光緊急三月俄三十擬欲留連計無及綠野烟愁露
泣 憑誰寄與春宵城頭畫鼓輕敲繾綣臨岐囑付來

年早到梅梢

夏日游湖

前人

惱烟撩露留我須臾住攜手藕花湖上路一霎黃梅細
雨嬌癡不怕人猜和衣倒在人懷最是分攜時候歸
來懶傍粧臺

李太白

禁闌秋夜月探金牕罅玉帳鴛鴦噴蘭麝時落銀燈香
地女伴莫話孤眠六宮羅綺三千一笑皆生百媚宸

游教在誰邊

呂鵬遇雲集載李詞四首按松因雜錄白進清平調詞三章脞說以為清平樂曲此豈鵬屢入者耶

十二時

即憶少年

謝勉仲

池塘綠遍王孫芳草依依斜日遊絲捲晴晝繫東風無力
蝶趁幽香蜂釀蜜秋千外卧紅堆碧心情費消遣
更梨花寒食

別厯下

晁無咎

無窮官柳無情畫舸無限行客南山尚相送只高城人

隔 罨畫園林溪紺碧
筼筍重來盡成陳迹
劉郎鬢如此
況桃花顏色

曹元寵

年時酒伴年時去
處年時春色清明又近也
却天涯為客
念過眼光陰難再得
想前歡盡成陳迹
登臨恨無語
把闌干暗拍

梅苑

踈踈整整斜斜
淡淡盈盈脉脉
徒憐暗香句
笑梨花顏

色 羈馬蕭蕭行又急空回首冰寒沙白天涯倦牢落
忽一聲羌笛

朱希真

連雲哀草連天晚照連山紅葉西風正搖落更前溪鳴咽
燕去鴻歸音信絕問黃花又共誰折征人最愁處
送寒衣時節

万俟雅言

隴雲溶洩隴山峻秀隴泉鳴咽行人暫駐馬已不勝愁

絕
隴首凝眸天四濶更一聲塞鴈淒切征書待寄遠
有知心明月

琴調相思引

一名玉
交枝

趙德莊

拂拂輕陰雨趨塵小庭深幕墮嬌雲好花無幾猶是洛
陽春
燕語似知懷舊主水生只解送行人可堪詩墨
和淚漬羅巾

二

曾躡姑蘇城上臺好山知有幾人來幾回徙倚月裡暮

雲來閒倚和風千步柳倦臨殘雪一枝梅煖香高燭
翻動道人灰

蒲江

陸續鳴鳩呼曉晴霏微殘霧濕春城未成梅雨先做麥
寒輕長日惜惜花又落短屏曲曲酒初醒小舟無緒
閒帶牡丹行

同楊子高艤舟葉家庄 前人

夾岼垂楊步悵深露橋橫截影沉沉數家籬落一餉晚

涼侵閒倚短篙停夜月靜看雙翅落棲禽久無羈思
前事忽驚心

梅苑

膽樣瓶兒幾點春剪來猶帶水雲痕且移孤令相伴最
深樽每為惜花無曉夜教人甚處不銷魂為君惆悵
何獨是黃昏

定風波令

周少隱

梅粉梢頭雨未乾淡烟疎日帶春寒暝鴉啼處人在小

樓邊芳草只隨春恨長
寒鴻空傍碧雲還
斷霞銷盡新月又嬋娟

望仙門

晏同叔

玉池波浪碧如鱗
露連新清歌一曲翠眉頻
舞華茵
滿酌蘭英酒
須知獻壽千春
太平無事荷君恩
荷君恩
齊唱望仙門

二

紫薇枝上露華濃
起秋風
管絃聲細出簾櫳
象筵中

仙酒斟雲液山歌轉遶梁虹此時佳會慶相逢慶相逢
歡醉且從容

三

玉壺清漏起微涼好秋光金盃重疊滿瓊漿會仙鄉
新曲調絲管新聲更颺霓裳博山爐暖泛濃香泛濃香
為壽百千長

海棠花

春景

馬莊父

柳腰暗怯花風弱紅映秋千院落歸逐燕兒飛斜撼真

珠箔滿林翠葉胭脂夢不忍頻頻覩着護取一庭春
莫彈花間鵲

占春芳

東坡春渚紀聞

紅杏了天桃盡獨自占春芳不比人間蘭麝自然透骨
生香對酒莫相忘似佳人兼合明光只憂長笛吹花
落除是寧王

江亭怨

冷齋夜話詞鬼

簾捲曲闌獨倚山展暮天無際淚眼不曾晴家在吳頭

楚尾 數點雪花亂委撲漉沙鷗驚起詩句欲成時沒
入蒼烟叢裏

冷齋夜話云黃魯直登荊州亭柱間有此詞夜夢
女子云有感而作驚悟曰此必吳城小龍女也

一落索

一名玉連環陳後
山集作洛陽春

張子野

來時露浥衣香潤綵絲
垂鬢卷簾還喜月相親
把酒與花相近
西去陽關休問
未歌先恨
玉峰山下水長流
流水盡情無盡

周美成

眉共春山爭秀可憐長皺莫將清淚濕花枝恐花也如
人瘦清潤玉簫閒久知音稀有欲知日日倚欄愁但
問取亭前柳

二

杜宇思歸聲苦和春催去倚欄一霎酒旗風任撲面桃
花雨目斷隴雲江樹難逢尺素落霞隱隱日平西料
想是分攜處

秦少游

楊花終日空飛舞奈久長難駐海潮雖是暫時來却有
箇堪憑處 紫府碧雲為路好相將歸去肯如薄倖五
更風不解與花為主

山谷

誰道秋來烟景素在遊人不顧一番時態一番新到得
意皆歡慕 紫萸黃菊繁華處對風庭月露愁來即便
去尋芳更作甚悲秋賦

朱希真

一夜雨聲連曉，青燈相照。舊時情緒，此時心花不見人。
空老。可惜春光閒了，陰多晴少。江南江北，水連雲間，
何處尋芳草。

二

慣被好花留住，蝶飛鶯語。少年場上，醉鄉中，容易放春
歸去。今日江南春暮，朱顏何處？莫將愁緒，比飛花花
有數，愁無數。

玉連環

管鑑

江上青山無數綠陰深處夕陽猶在繫扁舟為佳景留
人住 已辦一蓑歸去江南烟雨有情鷗鷺莫驚飛便
相約長為侶

陸放翁

滿路遊絲飛絮韶光將暮此時誰與說新愁有百轉流
鶯語 俯仰人間今古神仙何處花前須判醉扶歸酒
不到劉伶墓

陳鳳儀

成都妓

蜀江春色濃如霧擁雙旌歸去海棠也似別君難一點
點啼紅雨 此去馬蹄何處沙堤新路禁林賜宴賞花
時還記得西樓否

送王伯紹帥慶陽

王履道

塞柳未傳春信霜花侵鬢送君西去指秦關看日近長
安近 王帳同時英俊合離無定路逢新鴈北飛來寄
一字燕山問

程正伯

門外烟寒楊柳正減歡踈酒春陰早是做人愁更何況
花飛後莫倚東風消瘦有酴醾入手儘偎香玉醉何
妨任花落愁依舊

辛幼安

羞見鑑鸞孤却倩人梳掠一春長是為花愁甚夜夜東
風惡行遠翠簾珠箔錦牋誰託玉觴淚滿却傳觴怕
酒似郎情薄

春懷

嚴次山

清曉鶯啼紅樹又一雙飛去日高花氣撲人來獨自價
傷春無緒別後暗覺金縷倩誰傳語一春不忍上高
樓為怕見分攜處

二

孤廟對寒潮西陵風雨蕭蕭謝娘惆悵倚蘭橈淚流玉
筍千條暮天愁聽思歸樂早梅香滿山郭回首兩情
蕭索離魂何處飄泊

孫光憲

江上草芊芊春晚湘妃廟前一方綠水楚南天數行征
鴈聯翩獨倚朱欄情不極魂斷終朝相憶兩槩不知
消息遠汀時起鷗鷺

花前飲

今古詞話

雨餘天色漸寒滲海棠綻胭脂如錦告你休看書共我
花前飲皓月穿簾未成寢篆香透鴛衾雙枕似恁天
色時你道是好做甚

品令

石次仲

困無力幾度偎人翠顰紅濕低低問幾時麼道不遠三
五日 你也自家寧耐我也自家將息驀然地煩惱一
箇病教一箇怎知得

秦少游

掉又懼天然箇品格於中壓一簾兒下時把鞋兒踢語
低低笑咭咭 每每秦樓相見見了無限憐惜人前強
不欲相沾識把不定臉兒赤

惜春郎

美人

柳耆卿

玉肌瓊艷新粧飾好壯觀歌席潘妃寶釧阿嬌金屋應
也消得屬和新詞多俊格敢共我勦敵恨少年枉費
踈狂不早與伊相識

越江吟

蘇易簡

冷齋
夜話

非烟非霧瑤池宴片片碧桃冷落黃金殿蝦鬚半捲天
香散春雲和孤竹清婉入霄漢紅顏醉態爛漫金輿
轉霓旌影亂簫聲遠

相思引

笑盈盈香噴噴姑射仙人風韻天與肌膚常素嫩玉面
猶嫌粉斜倚小樓凝遠信多少往來人恨只恐乘春
雲雨困迤邐嬌容褪

早春怨

石擬白

張伯雨

盼得春來春寒春困陡頓無聊半剔殘燈片時春夢過
了元宵空山暮暮朝朝到此際無夢可消却倚東風
如水衣帶草似裙腰

歸去來

柳耆卿

初過元宵三五慵困春情緒燈月闌珊嬉遊處遊人盡
厭歡聚憑仗如花女持盃謝酒朋詩侶餘醒更不禁
香醕歌筵舞且歸去

又

一夜狂風雨花英墜碎紅無數垂楊謾結黃金縷儘春
殘縈不住蝶稀蜂散知何處殢尊酒轉添愁緒多情
不慣相思苦休惆悵好歸去

孤館深沉

權無染

梅苑

瓊英雪艷嶺梅芳
天付與清香
向臘後春前解壓萬花
先占東陽
擬待折一枝相贈
奈水遠天長
對粧面忍聽羌笛還空斷人腸

雙韻子

張子野

鳴鞘電過曉闌靜
歛龍旂風定
鳳樓遠出霏烟聞笑語
中天迥
清光近
歡聲竟
鴛鴦集仙花鬪影更聞度曲
瑤山升瑞日春宮永

鳳孤飛

晏叔原

一曲畫樓鐘動宛轉歌聲緩綺席飛塵座滿更小待金
蕉暖 細雨輕寒今夜短依前是粉牆別館端的歡期
應未晚奈歸雲難管

應天長

韋莊

綠槐陰裏黃鶯語深院無人春晝午畫簾垂金鳳舞寂
寞繡屏香一炷 碧雲凝人何處空役夢魂來去昨夜
綠牕風雨斷腸君信否

二

別來半歲音書絕一寸離腸千萬結難相見易相別又
是玉樓花似雪暗相思無處說惆悵夜來烟月想得
此時情切淚沾紅袖黥

牛嶠

玉樓春望晴烟滅舞衫斜卷金條脫黃鸝嬌轉聲初歇
杏花飄盡攏山雪鳳釵低赴節筵上王孫愁絕鴛鴦
對街羅結兩情深夜月

二

雙眉淡薄藏心事，清夜背燈嬌又醉。
玉釵橫山枕膩，寶帳鴛鴦春睡美。
別經時，無限意，虛道相思憔悴。
莫信綵牋書裏，賺人腸斷字。

顧曼

瑟瑟羅裙金線縷，輕透鵝黃香畫袴。
垂交帶，盤鸚鵡，裏翠翹移玉步。
背人勾檀注，慢轉橫波偷覷。
歛黛春情暗，許倚屏幃不語。

惜春令

杜壽域

春夢無憑猶懶起銀燭盡畫簾低垂小庭楊柳黃金翠
桃臉兩三枝粧閣慵梳洗悶無緒玉簫拋擲飄絮紛
紛人疏遠空對日遲遲

二

今夕重陽秋意深籬邊散嫩菊開金萬里霜天林葉墜
蕭索動離心臂上茱萸新似舊年堪賞光陰百盞香
醕且酬身牛山會難尋

沙塞子

中秋
無月

周紫芝

秋雲微淡月微羞雲黯黯月彩難留只是應嫦娥心裏
也似人愁幾時回步玉移鈎人共月同上南樓却重
聽畫闌西角月上輕謳

趙德莊

彥端

春水綠波南浦漸理棹行人欲去黯消魂柳下輕烟花
稍微雨長亭放艤無計住但芳草迷人去路忍回頭
斷雲殘日長安何處

與上韻
不同

月中行

周美成

蜀絲趁日染乾紅微暖面脂融博山細篆靄房櫳靜看
打牕蟲 愁多膽怯疑虛幕聲不斷暮景踈鐘團團四
壁小屏風淚盡夢啼中

本作啼盡
夢魂中

月宮春

毛文錫

水精宮裏桂花開神仙探幾迴紅芳金蕊繡重臺低傾
瑪瑙杯 玉兔銀蟾爭守護姮娥姹女戲相偎遙聽鈞
天九奏玉皇親看來

醉花間

馮延巳

獨立堦前星又月
簾櫳偏皎潔
霜樹盡空枝
腸斷丁香結
夜深寒不寐
疑恨何曾歇
凭欄干欲折
兩條玉筍為君垂
此宵情誰共說

二

月落霜繁深院閉
洞房人正睡
桐樹倚雕簷
金井臨瑤砌
曉風寒不啻
獨立成憔悴
閒愁渾未已
離人心緒自無端
莫思量
休後悔

桂華明

三夢廣寒宮
倚屏翳笛聲

關子東

注

縹緲神仙開洞府遇廣寒宮女問我雙鬟梁溪舞還記
得當時否 碧玉詞章教仙語為按歌宮羽皓月滿牕
人何處聲未斷瑤臺路

墨莊漫錄

四和香

李處全

晦菴詞

香雪漸苞偏勝韻領袖催花信華節良辰人有分看士
女蟠垂髻 莫向春風尋舊恨樂事隨方寸眉壽故應
天不吝浮太白吾無悶

轉調和聖朝

古今詞話

漸覺一日濃如一日不比尋常若知人為伊瘦損成病
又何妨 相思到了不成模樣收淚千行把從前淚來
做水流也流到伊行

醉高歌

姚牧菴

十年燕月歌聲幾點吳霜髻影西風吹起鱸魚興已在
桑榆暮景 榮枯枕上三更傀儡場中四并人生幻化
如泡影幾箇臨危自省

荷葉盃

韋莊

絕代佳人難得傾國花下見無期一雙愁黛遠山眉不
忍更思惟閒掩翠屏金鳳殘夢羅幕畫堂空碧天無路
信難通惆悵舊房櫳

二

記得那年花下深夜初識謝娘時水堂西面畫簾垂攜
手暗相期惆悵曉鶯殘月相別從此隔音塵如今俱
是異鄉人相見更無因

慶金枝

新春入舊年綻梅萼一枝先隴頭人待信音傳
楚岸未香殘小桃風雪凭欄干下簾幙護輕寒
年華永占入芳筵付樽前漸成歡

鳳來朝

周美成

逗曉香嬌面小牕深弄明未遍愛殘朱宿粉雲
鬟亂最好是悵中見說夢雙蛾微斂錦衾溫酒
香未斷待起難捨拚任日炙畫欄暖

五日感事

史邦卿

暈粉就妝鏡掩金閨絲絲未整趁無人學指鴛鴦頸恨
誰踏蘚花徑一夢蒲香葵冷墮銀瓶脆繩掛井扇底
弄團圓影只此是沈郎病

西江月

司馬溫公

詞話

寶髻鬆鬆綰就鉛華淡淡粧成紅烟翠霧罩輕盈飛絮
遊絲無定相見爭如不見有情還似無情笙歌散後
酒微醒深院月明人靜

春感

柳耆卿

鳳額繡簾高捲獸簷朱戶頻搖兩竿紅日上花梢春睡
厭厭難覺好夢往隨飛絮閒愁濃勝香醪不成雨暮
與雲朝又是韶光過了

晏小山

南苑垂鞭路冷西樓把酒人稀庭花猶有鬢邊枝且挿
殘紅自醉畫幕涼催燕去香屏曉放雲歸依前青枕
夢回時試問愁閒有幾

梅花

寓意
朝雲

蘇子瞻

玉骨那愁瘴霧冰肌自有仙風海仙時遣探芳叢倒掛
綠毛么鳳素面翻嫌粉澆洗粧不褪唇紅高情已逐
曉雲空不與梨花同夢

春夜

照野瀾瀾淺浪橫空曉曉微霄障泥未解玉驄驕我欲
醉眠芳草可惜一溪明月莫教踏碎瓊瑤解鞍歌枕
綠楊橋杜宇數聲春曉

重陽

點點樓前細雨重重江外平湖當年戲馬會東徐今日
淒涼南浦莫恨黃花未吐且教紅粉相扶酒闌不必
看茱萸俯仰人間今古

中秋對月

聚蘭集

世事一場大夢人生幾度秋涼夜來風葉已鳴廊看取
眉頭鬢上酒賤常愁客少月明多被雲妨中秋誰與
共韶光把盞淒然北望

張子野

泛泛春船載樂溶溶湖水平橋高鬟照影翠烟搖白紵
一聲雲杪倦醉天然玉軟卸粧人惜花嬌風情遺恨
幾時銷不見盧郎年少

勸酒

山谷

斷送一生惟有破除萬事無過遠山微影蘸清波不飲
傍人笑我花病等閒瘦惡春來沒箇遮闌五行到手
莫留殘不道月明人散

秦少游

愁黛顰成月淺啼粧印得花殘只消鴛枕夜來閒曉鏡
心情便懶 醉帽簷頭風細征衫袖口香寒綠江春水
寄書難攜手佳期又晚

郵亭壁上詞

古今詞話

昨夜軺車宿處亂山深鎖郵亭烟溪霜葉顫秋聲不管
愁人不聽 枕冷安排難穩衾寒重疊猶輕憑誰說與
那人人報道衾寒枕冷

杜安道

曉鏡初粧玉粉輕風暗遞幽香閒隨月影到寒塘忘却
人間天上雲意空驚春意孤芳已斷年芳從教驛使
為伊忙乞箇壽陽宮樣

顏持約

傳文

草草書傳錦字厭厭夢繞梅花海山無計駐仙槎腸斷
芭蕉影下缺月舊時庭院飛雲到處人家而今憔悴
鬢先華說着多情也怕

春夕

毛澤民

烟雨半藏楊柳風光初著桃花主人細細酌流霞醉裏
將春留下 柳外鴛鴦作伴花邊蝴蝶為家醉翁醉裏
也隨他月在柳橋花榭

葛魯卿

鞦韆斜紅帶柳琉璃漲綠平橋人間花月正新妖不數
錢塘蘇小 恨寄飛花簌簌情隨流水迢迢鯉魚風送
木蘭桡迴棹荒雞報曉

趙元鎮

世態浮雲變易時光飛箭難留五年重見海東頭只有
交情似舊未盡別來生意難堪老去離愁青山迢遞
水悠悠明日扁舟病酒

警悟

朱希真

世事短如春夢人情薄似秋雲不須計較苦勞心萬事
原來有命幸遇三盃酒好偶逢一朵花新片時歡笑
且相親明日陰晴未定

二

日日深杯酒滿朝朝小圃花開自歌自舞自開懷且喜
無拘無礙青史幾翻春夢紅塵多少奇才不須計較
與安排領取而今見在

宋謙父

何敢笑人干祿自知無分彈冠只將貧賤博清閒留取
書遮老眼世人風波任險門前路徑須寬心無妄想
夢魂安萬事鶴長鳬短

蔡京

八十一年住世四千里外無家如今流落向天涯夢到
瑤池闕下 玉殿五回命相彤庭幾度宣麻止因貪此
戀榮華便有如今事也

揮塵錄云秦元長南遷有旨取所寵姬慕容邢武者
三人以金人指名來索也作詩而別至潭州作詞云

李伯紀

意態何如斑斑輕盈只恐飛飛華堂偏傍主人樓好與
安巢穩戲攬斷樓中風月且看掌上腰支謫仙詞賦
少陵詩萬語千言摠記

向子諲

微步凌波塵起弄粧滿鏡花開春心擲處眼頻來秀色
着人無奈舊事如風無迹新愁似水難裁想思日夜
夢陽臺減盡沈郎衣帶

史達祖

西月淡窺樓角東風暗落簷牙一燈初見影牕紗又是
重簾不下幽思屢隨芳草閒愁多似楊花楊花芳草
遍天涯繡被春寒夜夜

子瑜

一百八般佛事二十四考中書山林朝市等區區着甚
由來自苦 過寺談些般若逢花倒個葫蘆少時伶俐
老來愚萬事安於所遇

題邯鄲呂仙翁祠堂

文卿

壁斷何人舊字爐寒隔歲殘香洞天人去海茫茫玩世
仙翁已往 西日長安道遠春風趙國臺荒行人誰不
悟黃糧依舊紅塵陌上

遣興

辛幼安

醉裏且貪歡笑要愁那得工夫近來始覺古人書信着
全無是處昨夜松邊醉倒問松我醉何如只疑松動
要來扶以手推松曰去

漢書龔勝傳勝與左將軍公孫祿議事不和
博士夏侯常勸之勝以手推常曰去

洞庭

張安國

問訊湖邊春色重來又是三年東風吹我過湖船楊柳
絲絲拂面世路如今已慣此心到處悠然寒光亭下

水連天飛起沙鷗一片

別友

翰墨

記得洛陽話別十年社燕秋鴻今朝相遇暮雲東對坐
旗亭說夢破帽守遮斜日練衣袖捲寒風蘆花江上
兩哀翁消得幾番相送

周紫芝

池面風翻弱絮樹紅雨退嫣紅撲花蝴蝶香無蹤又做
一場春夢便是一成去了不成沒箇來時眼前無處

說相思要說除非夢裏

二

羅袖雲輕霧薄醉肌玉軟花柔相逢不道有春愁只道
春來微瘦一點人間深意數聲柳下輕謳帶將離恨
上歸舟腸斷月斜時候

春半

朱淑真

辦取舞裙歌扇賞春只怕春寒捲簾無語對南山已覺
綠肥紅淺去去惜花心懶踏青間步江干恰如飛鳥

倦知還淡蕩梨花深院

燈花

曹仙姑

零落不因春雨吹噓何假東風紗牕一點自然紅費盡
功夫怎種有艷難尋膩粉無香不惹遊蜂更闌人靜
畫堂中相伴玉人春夢

寄張生

鄭雲娘

一片冰輪皎潔十分桂魄婆娑不施方便是如何莫是
嫦娥妬我雖則清光可愛奈緣好事多魔仗誰傳與

片雲呵遮取霎時則箇

張生寄雲娘詞云一望朱樓巧小四邊繡幕低垂箇
人活脫似楊妃倚遍闌干十二最苦兩雙情眼難禁
四隻愁眉無言回首日
沉西不道一聲安置

席上呈蔡相押排行十九韻 尹溫儀

韓愈文章蓋世謝安才貌風流良辰開宴在西樓敢勸
一杯芳酒 記得南宮高步弟兄都占鰲頭一門御殿
御香浮名在甲科第九

成都妓尹溫儀本良家女後以零替失身妓籍蔡相
帥成都酷愛之尹告蔡乞除樂籍蔡戲曰若樽前成

一小閣便可除免尹曰乞腔調蔡答以西江月尹又
乞嚴韻蔡曰汝排行十九用九字即便應聲云云蓋
取蔡第九人弟元度第十一人也復齋漫錄云姑
蘇官妓蘇瓊行第九蔡元長道過蘇州太守召飲元
長聞瓊能詞因命即席
為之乞韻以九字詞云

石孝友

脉脉無端心事厭厭不奈春醒越羅衫薄峭寒輕試問
幾番花信 萬點風頭柳絮數聲柳外啼鶯斜陽還傍
小牕明門掩黃昏人靜

燕歸梁

柳耆卿

織錦裁篇寓意深幾字直千金一回披玩一愁吟腸成
結淚盈襟幽歡已散前期遠無聊賴是而今密憑歸
燕寄芳音恐冷落舊時心

石曼卿

芳草年年惹恨幽想前事悠悠傷春傷別幾時休
從古為風流春山總把深勻翠黛千疊在眉頭不知供
得幾多愁更斜日憑危樓

張子野

去歲中秋玩桂輪河漢淨無雲今年江上共瑤尊都不
是去年人 水晶宮殿琉璃臺閣紅翠兩行分點唇微
破秀眉顰清影外見歌塵

上行杯

馮延巳

落梅暑雨消殘粉雲重烟深寒食近羅幙遮香柳外秋
千出畫牆 春山顛倒釵橫鳳飛絮入簾春睡重夢裡
佳期祇許庭花與月知

惜分飛

一名惜
雙雙

毛澤民

淚濕闌干花著露愁到眉峰碧聚此恨平分取更無言
語空相覷 斷雨殘雲無意緒寂寞朝朝暮暮今夜山
深處斷魂分付潮回去

晁無咎

山水光中元無暑是我銷魂別處只有多情雨會人深
意留人住 不及梅花來已暮未見荷花又去圖畫他
年覷斷腸千古茗溪路

辛幼安

翡翠樓前芳草路
寶馬墜鞭暫駐
最是周郎顧尊前
幾度歌聲誤
望斷碧雲空
日暮流水桃源
何處聞道春
歸去更無人管
飄紅雨

送別

吳淑姬

坼柳依依拖金縷
是我朝來別處
惟有多情絮
故來衣上
留人住
兩眼啼紅空彈
與未見桃花
又去一片征
帆舉
斷腸遙指
茗溪路

惜雙雙

賀方回

皎鏡平湖三十里碧玉山圍四際蓮蕩香風裏綵鴛鴦
覺雙飛起 明月多情隨拖尾偏照空床翠被回首笙
歌地醉更衣處長相記

清平調

昭陵梓
宮發引

王禹玉

玉宸朝晚忽掩赭黃衣愁露鎖無扉蓬萊待得仙丹至
人世已成非 龍軒天仗轉西畿旌旆入雲飛望陵宮
女垂紅淚不見翠輿歸

二

上林春晚曾是奉宸遊
水殿戲龍舟
玉簫吹斷催仙馭
一去隔千秋
游人重到曲江頭
事往涕難收
空餘御
幄傳觴處
依舊水東流

太常引

在燕端陽日
當母誕作

陳剛中

孚

綵絲堂上簇蘭翹
記生母在今朝
無地捧金蕉
奈烟水
龍沙路遙
碧天迢遞白雲何
處急雨蕭蕭
萬里夢魂
消待飛逐錢塘夜潮

山房隨筆孚天
台人時為編修

二

短衣孤劍客乾坤奈無策報親恩三載隔晨昏更踈雨
寒燈斷魂赤城霞外西風鶴髮猶想倚柴門蒲醕漫
盈樽倩誰寫青山淚痕

韓王

東風歸路水雲間幾曾放夢魂間何日整歸鞍有人對
西風凭闌溫柔情性繫懷傷感欲訴訴應難愁聚兩
眉端又疊起千山萬山

二

荒山連地水連天憶曾上桂江舡風雨過吳川又却在
湘江岸邊不堪追念浪萍踪跡虛度夜如年風外曉
鐘傳尚獨對殘燈未眠

金劉雲震

耿耿九虎隔重關到天上却空還回首謝塵寰問今日
誰人姓韓瓜田蔬圃竹溪松逕何地不堪閤且莫問
長安比蜀道元來更難

見困學
齋雜錄

梅苑

行雲蹤跡杳無期
梅梢上又春歸不道又別離
這一度清香為誰
多情囑付庾樓羌管憑仗且休吹
留取兩三枝待和淚封將寄伊

太清引

趙省聞
桂偶成

蒲江

夢回金井卸梧桐
嘶馬帶疎鍾
草面露痕濃
漸薄袖清寒暗通
天低絳闕雲浮碧海
殘月尚朦朧
吹面桂花風
悄不似紅塵道中

即太常引

餞劉參議歸山東

劉燕

歌妓青樓集

故人別我出陽關無計鎖雕鞍今古別離難兀誰畫蛾
眉遠山一尊別酒一聲杜宇寂寞又春殘明月小樓
閒第一夜相思淚彈

四犯令

侯彥周

月破輕雲天淡注夜悄花無語莫聽陽關離緒拚酩酊
花深處明日江郊芳草路春逐行人去不似酴醾開
獨步能着意留春住

漁歌子

李詢

九疑山三湘水蘆花時節秋風起水雲間山月裏棹月
穿雲遊戲鼓清琴傾綠蟻扁舟自得逍遙志任東西
無定止不議人間醒醉

孫光憲

草芊芊波漾漾湖邊草色連波漲沿蓼岸泊楓汀天際
玉輪初上扣舷歌聯極望槳聲伊軋知何向黃鵠叫
白鷗眠誰似儂家疎曠

李珣

柳垂絲花滿樹鶯啼楚岫春天暮棹輕舟出深浦緩唱
漁歌歸去罷垂綸還酌醕孤村遙指雲遮處下長汀
臨遠渡驚起一行沙鷺

二

荻花秋滿湘夜橘洲佳景如屏畫碧烟中明月下小艇
垂綸初罷水為鄉蓬作舍魚羹稻飯常食也酒盈杯
書滿架名利不將心挂

偷聲木蘭花

張子野

畫橋淺映橫塘路流水滔滔春共去目送斜暉燕子雙
高蝶對飛風花將盡持盃送往事只成清夜夢莫更
登樓坐想行思已自愁

二

雪籠瓊苑梅花瘦外院重扉聯寶獸海月新生上得高
樓沒奈情簾波不動銀缸小今夜夜長爭得曉欲夢
高唐祇恐覺來添斷腸

怨三三

姑溪詞用
賀方回韻

李端叔之儀

清溪一派瀉探藍岸草毯毯記得黃鸝語畫簷喚狂裏
醉重三春風不動垂簷似三五初圓素蟾鎮淚眼
纖何時歌舞再和池南

捉拍醜奴兒

朱希真

清露濕幽香想瑤臺無語淒涼飄然欲去依然似夢雲
度銀潢又是天風吹澹月珮丁東攜手西廂冷冷玉
磬沉沉素瑟舞遍霓裳

滴滴金

周美成

梅花漏泄春消息
柳絲長草芽碧
不覺星霜鬢邊白
念時光堪惜
蘭堂把酒留嘉客
黛眉顰愁春色
千里音書相疎隔
見了方端的

梅

孫夫人

月光飛入林前屋
風策策度庭竹
夜半江城擊柝聲動
寒梢棲宿
等閒老去年華促
祇有江梅伴幽獨
夢繞夷門舊家山
恨驚回難續

二

當初親下求言詔引得都來胡道人人招是駱賓王并洛陽年少自訟監宮并岳廟都教一時間了誤人多是誤人多誤了人多少

中吳紀聞云徽宗即位下詔求直言陸彥猷因廷對與雍孝開輩皆力陳時政闕失喝名曰有旨馭放孝開立殿下叩頭曰陛下求直言有云言之者無罪今詔墨猶未乾奈何以直言罪人衛士怒孝開唐突以駐斧擲其頰數齒俱落時上書及廷試直言者俱得罪京師有諺詞云

花草粹編卷六